



Broj: 09/2-16-8-45522-18/23  
Sarajevo, 18.02. 2024. godine

Na osnovu člana 64. stav (1) tačka b) i 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14 i 59/22), te prijedloga Komisije za nabavke utvrđenog u Zapisniku broj: JN1-16-8-45522-16/23 od 29.01.2024. godine, u postupku javne nabavke usluga osiguranja službenih vozila Ministarstva inostranih poslova BiH za LOT-2 - Potpuno kasko osiguranje vozila bez franšize sa uključenim rizikom od krađe, **d o n o s i m:**

### **ODLUKU** **o izboru najpovoljnijeg ponuđača**

Ponuđač „Sarajevo osiguranje“ a.d. Sarajevo sa ponudom zaprimljenom kod ugovornog organa dana, 10.01.2024. godine pod brojem: 09/2-16-8-45522-7/23, proglašava se najpovoljnijim, te se imenovanom ponuđaču dodjeljuje ugovor za usluga osiguranja službenih vozila Ministarstva inostranih poslova BiH za LOT-2 - Potpuno kasko osiguranje vozila bez franšize sa uključenim rizikom od krađe.

Ova odluka objavit će se na web-stranici [www.mvp.gov.ba](http://www.mvp.gov.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", br. 39/14 i 59/22).

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

### **O b r a z l o ž e n j e**

Postupak javne nabavke pokrenut je Odlukom o pokretanju postupka, broj: 09/2-16-8-45522-1/23 od 11.12.2023. godine, u kojoj je predviđeno da procijenjena vrijednost javne nabavke iznosi 35.000,00 bez PDV-a, od čega za LOT-2 iznosi 28.000,00 KM bez PDV-a.

Obavještenje o nabavci objavljeno je na Portalu javnih nabavki dana, 28.12.2023. godine pod brojem: 253-7-2-47-3-74/23 i u „Službenom glasniku BiH“, broj: 01/24 od 05.01.2024. godine.

Javna nabavka je provedena putem konkurentskog zahtjeva za dostavljanje ponuda i istom je predviđeno provođenje e-Aukcije.

Komisija je Zapisnikom o pregledu i ocijeni ponuda u postupku javne nabavke usluga osiguranja službenih vozila Ministarstva inostranih poslova BiH, broj: JN1-16-8-45522-16/23 od 29.01.2024. godine konstatovala da su do roka za prijema ponuda, 10.01.2024. godine, pristigle ponude sljedećih ponuđača za LOT-2:

1. „Adriatic osiguranje“ a.d. Sarajevo, dana, 10.01.2024. godine u 09:11 časova, sa ukupnom cijenom ponude u iznosu od 27.625,28 KM bez PDV-a,
2. „Euroherc osiguranje“ a.d. Sarajevo, dana, 10.01.2024. godine u 09:24 časova, sa ukupnom cijenom ponude u iznosu od 18.061,96 KM bez PDV-a,
3. „Sarajevo osiguranje“ a.d. Sarajevo, dana, 10.01.2024. godine u 09:38 časova, sa ukupnom cijenom ponude u iznosu od 27.625,20 KM bez PDV-a i
4. „ASA Central osiguranje“ a.d. Sarajevo, dana, 10.01.2024. godine u 09:41 časova, sa ukupnom cijenom ponude u iznosu od 12.646,19 KM bez PDV-a.

Nije bilo neblagovremeno pristiglih ponuda.

Analizom dokumentacije pristiglih ponuda, te suštinskom provjerom sadržaja i validnosti istih, Komisija je utvrdila da ponude ponuđača „Euroherc osiguranje“ a.d. Sarajevo, „Sarajevo osiguranje“ a.d. Sarajevo i „ASA Central osiguranje“ a.d. Sarajevo ispunjavaju formalno-pravne, ekonomske i tehničke uslove tenderske dokumentacije, te su iste prihvatljive i mogu biti predmet vrednovanja shodno kriterijima utvrđenim Obavještenjem o nabavci i tenderskom dokumentacijom.

Komisija je ponudu ponuđača „Adriatic osiguranje“ a.d. Sarajevo proglasila neprihvatljivom, jer ista nije sadržavala kvalifikacioni dokaz definisan pod tačkom 3.3.2 tenderske dokumentacije, odnosno potvrdu o isplati oštetnih zahtjeva izdatu od strane nadležnog organa koji se bavi nadzorom u oblasti osiguranja u zemlji registracije ponuđača. Navedeni ponuđač je dostavio Uvjerenje nadležne agencije o stopi efikasnosti rješavanja oštetnih zahtjeva, iz kojeg se ne može vidjeti dokaz o postavljenom uslovu iz tačke 3.3.1 a) tenderske dokumentacije.

Komisija je u skladu sa tačkom 5.4 tenderske dokumentacije, izvršila provjeru računске ispravnosti pristiglih ponuda i utvrdila da iste nemaju računskih grešaka.

Komisija je na osnovu Zapisnika sa otvaranja ponuda za LOT-2, broj: JN1-16-8-45522-12/23 od 10.01.2024. godine, formirala rang listu ponuđača:

1. „ASA Central osiguranje“ a.d. Sarajevo, sa ukupnom cijenom ponude u iznosu od 12.646,19 KM bez PDV-a,
2. „Euroherc osiguranje“ a.d. Sarajevo, sa ukupnom cijenom ponude u iznosu od 18.061,96 KM bez PDV-a i
3. „Sarajevo osiguranje“ a.d. Sarajevo, sa ukupnom cijenom ponude u iznosu od 27.625,20 KM bez PDV-a.

Na osnovu formirane rang liste Komisija je uočila da je ponuda ponuđača „ASA Central osiguranje“ a.d. Sarajevo prvoplasirana i da ista prema tački 5.3 tenderske dokumentacije, ima neprirodno nisku cijenu, odnosno da je cijena njegove ponude za više od 20% niža od cijene drugorangirane prihvatljive ponude.

U skladu sa navedenim, Komisija je postupajući po članu 66. Zakona o javnim nabavkama i članu 17. stav (7) i (8) Upustva za pripremu modela tenderske dokumentacije i ponuda, dopisom broj: JN1-16-8-45522-14/23 od 11.01.2024. godine, od prvoplasiranog ponuđača „ASA Central osiguranje“ a.d. Sarajevo zatražila pojašnjenje neprirodno niske cijene prije zakazivanja e-Aukcije za LOT-2, sa rokom dostavljanja pojašnjenja 17.01.2024. godine do 12:00 časova.

Komisija je konstatovala da Ministarstvo inostranih poslova BiH, kao ugovorni organ, nije zaprimilo traženo pojašnjenje neprirodno niske cijene od strane ponuđača „ASA Central osiguranje“ a.d. Sarajevo do navedenog roka i u skladu sa tim odbacuje ponudu navedenog ponuđača kao nepravilnu.

Na osnovu novoformirane rang liste sa preostalim prihvatljivim ponudama, kako slijedi:

1. „Euroherc osiguranje“ a.d. Sarajevo, sa ukupnom cijenom ponude u iznosu od 18.061,96 KM bez PDV-a i
2. „Sarajevo osiguranje“ a.d. Sarajevo, sa ukupnom cijenom ponude u iznosu od 27.625,20 KM bez PDV-a,

Komisija je uočila da ponuđač „Euroherc osiguranje“ a.d. Sarajevo, kao prvoplasirani ponuđač po novoj rang listi, prema članu 66. Zakona o javnim nabavkama („Službeni glasnik BiH“, broj: 39/14 i 59/22) i članu 17. Upustva za pripremu modela tenderske dokumentacije i ponuda („Službeni glasnik BiH“, broj: 90/14 i 20/15) takođe ima neprirodno nisku cijenu ponude, odnosno da je cijena njegove ponude za više od 20% niža od cijene drugorangirane prihvatljive ponude.